



**REGIONE AUTÒNOMA DE SARDIGNA  
REGIONE AUTONOMA DELLA SARDEGNA**



**COMUNE DI SINNAI**

**COMUNU DE SÌNNIA**

**Progetu finantziau cun su dinai de sa Regione Autònoma de Sardigna cunforma a sa L. 482/99 e a sa L.R. 22/2018.**

Su 2 de Friàrgiu fiat sa festa de sa Candelera.

Segundu sa traditzioni cristiana cun sa Candelera s'afestat sa presentada de Gesus a su tèmpiu, coranta diis a pustis de Paschixedda.

Est puru sa purificatzioni, o comenti si narat oi s'incresiamentu, de Maria, aici comenti acuntessiat unus cantus de annus a oi cun is prateras chi iant fatu nasci unu fillu.

<sup>[1]</sup><sub>SEP</sub> Sa priorissa manna depit apariciai totu sa festa impari a atras duas priorissas.

Custas portant in corteu concas a crèsia su Nennu Gesus, sa stiàrica e duas columbas biancas. In antigòriu custa pruceSSIONI fiat oberta de is sonadoris de launeddas e afatu is atrus.

Arribaus a crèsia is priorissas ponint in is manus de Maria Santissima su Nennu Gesus e sa stiàrica, de custa si alluint totu is stiaricas. In s'interis de su ritu si benedixint is stiaricas e agoa partendi de cussa de sa Madonna e a s'ghiri cussas de is priorissas si alluint is stiaricas de totu is fidelis presentis.

A custu puntu si essit foras de sa crèsia e si fait una pruceSSIONI pitichedda cun Maria Santissima.

Is ogus funt totus a pitzus de sa stiàrica de sa Madonna, poita in antigòriu si narat ca chi sa stiàrica abarrat alluta in su mentris de totu sa pruceSSIONI nci at a essi stètia annada bona, chi si ndi sturàt s'annada iat a essi stètia lègia.

Su cantu in lingua sarda de custa dii funt is gòcius de "Maria Gràtziosa":

"O Maria Gratziosa

O lillu de biancura

De is stellas ses prus pura

Ses prus bella de s'arrosa<sup>[1]</sup><sub>SEP</sub>

De Deus mamma e sposa

Giardinu de totu is froris

O Maria Mamma amurosa

Salva nos peccadoris"